



Site Stakeholder Group

SAFLE TRAWSFYNYDD

**COFNODION DEGFED CYFARFOD
GRŴP RHANDDEILIAID Y SAFLE
A GYNHALIWDY YN Y GANOLFAN GYNADLEDDAU A CHYNEFINO
DDYDD LLUN 1 MEHEFIN 2009**

YN BRESENNOL

Cyng J Isgoed Williams

Cadeirydd, Cyngor Cymuned Trawsfynydd

Safle Trawsfynydd

Dr Phil J Sprague

Cyfarwyddwr y Safle

Mrs Edwina Winter

Dirprwy Gyfarwyddwr

Mr Mark Stubbs

Rheolwr Peiriannau

Mr Robin S Ward

Ffisegydd Iechyd y Safle

Mr Raymond Parry

SJC

Mr Richard Foxhall

Swyddog Cyfathrebu

Mr Andy McAteer

Magnox North – Maentwrog

Mr Eurwyn Owen

Cydlynnydd Amgylcheddol

Mr Greg Gibson

Rheolwr EHS&Q

Mr Jeston Homfray

Magnox North - Trawsfynydd

Mrs Karen Fell

Magnox North - Trawsfynydd

Mrs Debbie Jones

Magnox North - Trawsfynydd

Mrs Karen Hughes

Ysgrifenyddiaeth

Awdurdod Dadgomisiynu Niwclear

Mr Glenn Vaughan

Rheolwr Rhaglen y Safle

Ms Deborah Ward

Cyngor Gwynedd

Mr Tom G Ellis

Mr Dewi Lewis

Mr Emyr Searell Jones

Cynghorau Cymuned a Thref

Cyng John LI Richards

Cyngor Cymuned Talsarnau

Cyng Beryl W Williams

Cyngor Tref Ffestiniog

Cyng D Meredydd Williams

Cyngor Cymuned Maentwrog

Grwpiau a Mudiadau Cymunedol

Mr Idwal W Williams

Traws-Newid

Mr Islwyn Morris

Deudraeth Cyf

Mrs Gwen Pettifor

WI

Mrs Jean Powell Jones

CIG (CHC)

Arsylwyr

Mr Alan Hall

Dwr Cymru

Mr Les Davies

Prif Arolygydd yr Arolygiaeth Safleoedd Niwclear

Mr Andrew Fairhurst

Asiantaeth yr Amgylchedd

Mr Steve Howard

Asiantaeth yr Amgylchedd

Mrs Catrin Roberts

Llywodraeth Cynulliad Cymru

Mr Elfyn Llwyd

Aelod Seneddol

Mr Daniel Gould
Mr Andrew Watt
Mr Michael Owen
Sgt Arthur Jones
PC Gareth Griffiths

Magnox North
Ymddiriedolaeth Ambiwylans Cymru
Gwasanaeth Tan ac Achub Gogledd Cymru
Heddlu Gogledd Cymru
Heddlu Gogledd Cymru

Rhai nad ydynt yn aelodau

Mr Gwynfor Owen
Mr Sion Roberts
Mr Iwan Jones

Cymen
Prifysgol Bangor
Prifysgol Bangor

1. Croesawyd pawb i'r cyfarfod gan y Cadeirydd a bu iddo gyflwyno Deborah Ward o'r Awdurdod Dadgomisiynu Niwclear a Dan Gould Ymgynghorydd Cyfathrebu Rhanbarthol Magnox North.

2. Ymddiheuriadau

Mr David Hinchliffe	Magnox North
Arolygydd Meirion Ellis	Heddlu Gogledd Cymru
Mr Dylan Griffiths	Cyngor Gwynedd
Cyng Gwilym Euros Roberts	Cyngor Gwynedd
Mr John Idris Jones	Magnox North
Arglwydd Dafydd Elis Thomas	AC
Mr David Finchett	Magnox North
Mr Jim Crocker	Magnox South
Mr Stuart Conney	Asiantaeth Safonau Bwyd
Ms Shirley Huws	Cyngor Gwynedd
Mr Caerwyn Roberts	Cyngor Gwynedd
Mr Morris Jones	Cyngor Tref Penrhyndeudraeth

3. Cadarnhau Cofnodion y Cyfarfod a gynhaliwyd 1 Rhagfyr 2008

- 3.1 Cadarnhawyd y cofnodion a'u derbyn fel cofnod cywir o'r trafodion.

4. Materion yn codi o'r cyfarfod a gynhaliwyd 1 Rhagfyr 2008

- 4.1 Cofnod 5.4 – Gofynnodd y Cadeirydd os oedd sylwadau ar y cynllun busnes drafft wedi eu hanfon i unai Richard Foxhall neu Karen Hughes. Cadarnhawyd nad oedd sylwadau wedi eu derbyn. Cadarnhaodd y Cadeirydd ei fod wedi anfon sylwadau yn pwysleisio bod angen yr arian a nodwyd o fewn y cynllun busnes i sicrhau nad yw'r gwaith dadgomisiynu yn cael ei lesteirio. Hefyd dylid cadw'r cysylltiad rheilffordd. 'Roedd ateb wedi ei dderbyn yn cadarnhau bod yr ADN wedi derbyn y sylwadau.

Cofnod 13.2 – Trefniadau ar gyfer ymweliad aelodau'r GRhS i'r Storfa Gwastraff Ganolradd. Cadarnhawyd bod gwahoddiadau wedi eu hanfon allan ers diwedd yr wythnos i drefnu ymweliad ar gyfer y 10 Mehefin 2009. Cytunwyd trafod y mater ymhellach ar ddiwedd y cyfarfod.

5. Anerchiad y Cadeirydd

- 5.1 Adroddodd y Cadeirydd bod cysylltiad agos wedi ei gadw rhyngddo ef a'r Safle ac mae yn derbyn adroddiadau gan Dr Phil Sprague ar gynnydd y gwaith. Bydd y Cadeirydd yn mynychu cyfarfodydd o'r GRhS a GRhC ym Maenceinion yn ystod mis Mehefin 2009.

6. Adroddiad Cyfarwyddwr y Safle

6.1 Bu i Dr Phil Sprague, trwy gyfres o sleidiau, adrodd ar gynnydd y gwaith ar y Safle.

6.2 Diogelwch

Dyddiau ers Damwain Colli Amser –1001

Digwyddiadau Cofnodadwy - 0

Cyfradd Achosion Diwrnodau i Ffwrdd - 0

6.3 Prosiectau Diweddaraf

6.3.1 Storfa Gwastraff Lefel Canolradd – Cadarnhaodd Dr Phil Sprague y bydd yn bosib i aelodau'r GRhS ymweld a'r Storfa Gwastraff Lefel Canolradd ar y 10 Mehefin 2009. Derbyniwyd peiriant llwytho newydd ar y Safle ym mis Mawrth 2009 a bydd y pecynnau llawn yn cael eu trosglwyddo i'r Storfa yn ystod y ddau fis nesaf, unwaith y bydd cymeradwyaeth yr Arolygiaeth Gosodiadau Niwclear wedi ei dderbyn.

6.3.2 Atgyweiriadau Toeau yr Adweithyddion – y gwaith wedi ei gwblhau.

6.3.3. Gwaith Gostwng Uchder :

6.3.4 Tynnu'r Bwyleri – y gwaith wedi ei gwblhau. Mae'r craen codi bwyleri wedi ei werthu i'r Philippines a bydd yr arian sydd yn deillio o'r gwerthiant yn mynd i'r ADN.

6.3.5 Tô Capió – Mae'r gwaith yn mynd rhagddo gydag Adweithydd 2 wedi ei gwblhau a dylai'r gwaith a'r Adweithydd 1 ddechrau o fewn y ddau fis nesaf.

6.3.6 Adennill Cydrannau Egnïoledig Amrywiol – Mae'r cydrannau metal mwyaf wedi eu growtio ac yn barod i'w trosglwyddo i'r Storfa Gwastraff Lefel Canolradd. Mae'r gwaith o lanhau yr eitemau llai yn mynd rhagddo gyda'r growtio yn barod i'w wneud a bydd y llwch yn cael ei lanhau a'i growtio yn ystod y tri mis nesaf. Dyma'r ffrwd gweddillion gyntaf i'w hadennill drwy Magnox North gyfan.

6.3.7 Adennill Malurion Rhodenni Tanwydd – Y gwaith yn mynd rhagddo gyda 9 bocs wedi ei gwblhau a bydd 5 arall yn cael eu cwblhau eleni. Mae'n bosib y bydd y prosiect yma yn cael ei wneud yn gynt.

6.3.8 Brasnaddu Pyllau – Mae'r prosiect yn symud ymlaen yn dda iawn gyda 25% o'r gwaith wedi ei gwblhau ac mae 100 o gasegenni gwastraff llawn wedi eu llenwi ac wedi eu hanfon i Cumbria.

6.3.9 Cymdeithasol-economaidd

Cyflogaeth

Cyfanswm cyflogaeth	539
o fewn 15 milltir	174
o fewn 30 milltir	104
o fewn 50 milltir	79
eraill	183
Cyfanswm o fewn cod post LL	380

(nid yw'r holl weithwyr asiantaeth a chontractwyr yn rhai llawn amser)
(mae rhifau'r contractwyr yn codi a gostwng fel mae prosiectau yn dechrau a gorffen)

Cymorth cymunedol

Cymorth ariannol i fudiadau lleol a digwyddiadau – cyllid o £10,000 (amcan hyd at ddiwedd Mawrth 2010).

Mae cyllideb gyfyngedig hyd at £5,000 ar gyfer prosiectau adfywio sydd o fewn canllawiau'r ADN – rhaid i geisiadau am fwy o arian gael eu cyflwyno yn uniongyrchol i'r ADN trwy'r Safle.

Cymorth ariannol i Eisteddfod Genedlaethol y Bala 2009 - £50,000 (wedi ei dalu)

Cymorth Addysgol

Mae'r Rhaglen Cymorth Addysgol yn parhau ac mae dros 1,000 o ddisgyblion ysgolion cynradd a dros 200 o ddisgyblion ysgolion uwchradd wedi mynychu gwahanol weithgareddau yn y Ganolfan Gynadleddau a Chynefino. Hefyd mae dros 50% o ysgolion cynradd ac ysgolion uwchradd wedi derbyn cymorth o'r Safle. Mae gweithgareddau eraill yn cynnwys y cwis ysgolion cynradd blynyddol, rhaglenni profiad gwaith, ymweliadau ysgolion, gwyl wyddonol blynyddol, cystadleuaeth K'nex a cystadleuaeth pont ICE.

Cymorth i Elusennau Lleol

Bu i aelodau staff y Safle drefnu diwrnod golff elusennol ar ddiwedd mis Mai a gwnaed elw o £4,000 tuag at Ward Alaw Ysbyty Gwynedd. Hefyd mae Pwyllgor Elusennau Safle Trawsfynydd sydd yn cefnogi elusennau lleol wedi ei sefydlu ar y Safle.

6.4 Strategaeth Economaidd-Gymdeithasol Trawsfynydd

Mae cyfarfodydd wedi eu cynnal rhwng y Cyngorau Cymuned a Thref sydd yn aelodau o'r GRhS ynghyd a Magnox North, ADN, Llywodraeth Cynulliad Cymru a Cyngor Gwynedd i drafod y posibilrwydd o sefydlu endid i reoli tir ac asedau'r ADN yn Nhrawsfynydd.

Mae'r weledigaeth yn ceisio darparu gweledigaeth hir-dymor ar gyfer yr ardal a fydd o gymorth i hoelio cefnogaeth economaidd-gymdeithasol yn yr ardal, a chaniatáu i'r gefnogaeth honno gael ei defnyddio i hwyluso datblygiad cymuned gynaliadwy yn y tymor hwy. Pan fydd gweithgareddau ar Safle Dadgomisiynu Trawsfynydd yn dod i ben ar ddiwedd cam paratoadau Gofal a Chynnal a Chadw y broses ddadgomisiynu, gobeithi'r creu amgylchedd cynaliadwy lle bydd swyddi'n cael eu creu er mwyn sicrhau, os bydd un sector yn dirywio, y bydd sector arall yn ffynnu er mwyn cydbwysu hynny. Bydd y gwaith wedi esgor ar greu cyfleoedd gwaith newydd yn ardal Trawsfynydd – Penrhyndeudraeth – Blaenau Ffestiniog yn ardal Gogledd Meirionnydd sydd wedi'i dynodi'n brif ardal teithio i'r gwaith y safle. Mae amcanion y cynllun i ymestyn cynaliadwyedd y gymuned yn golygu mynd i'r afael â thri maes penodol:

Datblygu Busnes – Defnyddio adnoddau i gefnogi twf y diwydiant twristiaeth lleol, gan gynnwys llwybrau beicio mynydd a datblygu mudiad cymunedol ei seiliau i ddatblygu, mewn ffordd sensitif, yr ardal yng nghyffiniau'r llyn ar gyfer gweithgareddau sy'n gydnaws â'r amgylchedd lleol.

Sgiliau ac Ymchwil – Cefnogi gwaith yr ysgolion a cholegau lleol i gefnogi'r ddarpariaeth ar gyfer datblygu sgiliau a meithrin y diwylliant entrepreneuriaid.

Seilwaith – Defnyddio'r safle i ddatblygu busnesau bychan, e.e. rheoli gwastraff, darparu hyfforddiant ar gyfer technegau achub ynghyd a gwella'r cysylltiad gyda Prifysgolion Cymru i ddatblygu busnesau bychan.

Bydd y weledigaeth a'r pwyntiau gweithredu sy'n gysylltiedig â'r amcanion wedi'u cyflawni erbyn y bydd Trawsfynydd yn dechrau'r cyfnod Gofal a Chynnal a Chadw. Fe'i hwylusir gan Magnox North, yr ADN ac Energy Solutions yn gweithio gyda'r awdurdod lleol a Llywodraeth Cynulliad Cymru i sicrhau y bydd gwaddol dymor hwy yn cael ei gadael yn yr ardal a fydd yn cefnogi darparu cyfleoedd gwaith a thai i bobl sy'n byw yn yr ardal ac a fydd yn ategu ac yn cefnogi diwylliant, hanes ac iaith yr ardal. Gall hyn gynnwys hwyluso datblygiad ceisiadau am arian gan ffynonellau perthnasol. Defnyddir y weledigaeth hon fel sail i benderfyniadau ynglŷn â phrosiectau ategol yn yr ardal.

6.5 Cynllun Busnes ADN

Adroddwyd bod y cyllid ar gyfer y Safle am y flwyddyn 2009-10 yn £50m ac yn ystod 2009-2012 bydd y prosiectau canlynol yn symud ymlaen:

Symud rhai o Gydrannau'r Prif Gylched – gorffen

Adennill Cydrannau Egnioledig Amrywiol – gorffen

Comisiynu y Storfa Gwastraff Lefel Ganolradd a trosglwyddo'r pecynnau i ddechrau ar ddiwedd yr haf 2009.

Gwaith Gostwng Uchder – i ddechrau.

- 6.6 Cyng. Beryl W Williams - Mae adennill y Malurion Rhodenni Tanwydd (MRT) yn rhan bwysig o'r broses dadgomiynu, eto nid oes son am hyn yn ystod 2009-2012. Dr Phil Sprague – 'Rwyf yn cytuno ei fod yn bwysig ac mae 15% o'r Malurion Rhodenni Tanwydd wedi ei adennill yng nghladdgell y De. Bydd peiriant newydd yn cael ei osod yn nghladdgell y Gogledd erbyn 2012.
- 6.7 Cyng Tom G Ellis – Byddwch yn cadw'r gwastraff ar y safle yn y Storfa Gwastraff Lefel Ganolradd – pam na fydd pobl yn mynd iddi wedyn? Dr Phil Sprague – Bydd lefelau o ymbelydredd yn yr adeilad a gan fod diogelwch yn holl bwysig, pam fyddem yn rhoi bobl yna pan nad oes angen.
- 6.8 Cyng Tom G Ellis – Felly bydd lefelau o ymbelydredd yn y Storfa. Dr Phil Sprague – Yn amlwg bydd mwy na 0 ond unwaith bydd y pecynnau wedi eu symud bydd y Storfa yn cael ei chloi a'i selio. Mr Robin Ward – Mae tair elfen o orchudd dros y gwastraff – yn gyntaf mae'r growt, yn ail y pecyn concrit ac yn drydydd yr adeilad ei hun. Mae'r lefelau tu allan i'r adeilad yn hollol ddiogel a tu allan i'r ffens derfyn byddent yn is nag ar hyn o bryd.
- 6.9 Cyng Tom G Ellis – Gan ei fod wedi ei storio o fewn y Storfa ni fydd ymbelydredd? Dr Phil Sprague – ddim tu allan i'r adeilad. Cyng J Isgoed Williams – bydd yr adeilad yn cael ei fonitro yn rheolaidd. Dr Phil Sprague – bydd y gwastraff yn cael ei symud i'r Storfa Genedlaethol ymhen amser.

7. Adroddiad gan y Pwyllgor Ymgynghori Cynllunio Argyfwng

- 7.1 Cadarnhaodd Mr Robin Ward ei fod wedi mynychu cyfarfod yn Wylfa ar y 17 Mawrth 2009.
- 7.2 Ymarferiadau Argyfwng
Nid oes newidiadau o bwys wedi bod o fewn y tim argyfwng. Mae 3 ymarfer argyfwng wedi eu cynnal ar y Safle hyd yma eleni, gyda cynlluniau ar gyfer 4 arall. Adroddodd bod yr ymarferiad lefel 1 o drefniadau argyfwng y safle ar gyfer yr Arolygiaeth Safleoedd Niwclear wedi ei gynnal ar 13 Mai 2008 ac yr oedd yr ymarferiad yn cael ei ystyried fel arddangosiad digonol o'r trefniadau. Bydd yr Arolygiaeth Safleoedd Niwclear yn mynychu ymarferiad arall sydd i'w gynnal ar yr 8 Gorffennaf 2009.
- Cynhaliwyd ymarferiad diogelwch ar y 25 Mawrth 2009 ar gyfer OCNS ac fe'i ystyriwyd yn dderbyniol.
- 7.3 Hyfforddiant – Mae Peiriannydd Cynllunio Argyfwng llawn amser ar y Safle ac mae gobaith y bydd yn bosib trefnu hyfforddiant ar y cyd gyda'r gwasanaeth Ambiwlans a'r gwasanaeth Tân ac Achub.
- 7.4 Mae'r Llawlyfr Argyfwng wedi ei ddiweddarau ac wedi ei ddsbarthu i'r asiantaethau perthnasol.

- 7.5 Materion Cenedlaethol – Mae trefniadau wedi eu gwneud gan bob Safle Magnox are gyfer pandemig fflw.
- 7.6 Cynhelir cyfarfod nesaf y Pwyllgor Ymgynghori Cynllunio Argyfwng yn Wylfa ar 22 Medi 2009.
- 7.7 Darparwyd copïau o adroddiad y Pwyllgor Ymgynghori Cynllunio Argyfwng yn y cyfarfod ac mae copïau ychwanegol ar gael gan yr Ysgrifenyddiaeth

8. Adroddiad gan Arolygydd Safle yr Arolygiaeth Safleoedd Niwclear

- 8.1 Croesawyd Mr Les Davies i'w gyfarfod cyntaf o GRhS a bu iddo adrodd fod archwiliadau ar gyfer yr Arolygiaeth Safleoedd Niwclear yn dderbyniol. Mae ychydig o faterion bychan angen sylw. Eglurodd bod gwaith sydd yn cael ei wneud gan y llywodraeth yn golygu y bydd newidiadau o fewn yr Arolygiaeth Safleoedd Niwclear gan y byddent yn symud o'r Awdurdod Gweithredol Iechyd a Diogelwch i fod yn fudiad strategaeth.
- 8.2 Darparwyd copïau o'r adroddiad chwarterol yn y cyfarfod ac mae copïau ychwanegol ar gael gan yr Ysgrifenyddiaeth.

9. Adroddiad gan Asiantaeth yr Amgylchedd

- 9.1 Bu i Mr Andrew Fairhurst nodi rhai materion allweddol yn yr adroddiad a bu iddo gadarnhau bod Asiantaeth yr Amgylchedd wedi mynychu arolwg o'r Cynllun Oes ym Mis Mawrth 2009 ac adroddodd eu bod yn fodlon gyda lefel y cyllid a'r rhaglen waith sydd yn mynd ymlaen ar y Safle. Bu iddynt hefyd adolygu yr awdurdodiad Deddf Sylweddau Ymbelydrol 1993 a cafwyd hwn yn gyfredol a pherthnasol.
- 9.2 Yr oedd y Safle wedi gwneud cais i gynyddu terfynau gwaredu Gwastraff Lefel Isel dros dro i'r Ystorfa Gwastraff Lefel Isel ger Drigg, Cumbria. Yn dilyn ymghynghoriad cytunwyd caniatáu y cynnydd dros dro o'r 1 Ebrill 2009.
- 9.3 Eglurodd Mr Andrew Fairhurst fod Mr Steve Howard yn cymryd ei le. Croesawyd Mr Steve Howard i'r cyfarfod a bu iddo egluro fod ganddo 38 mlynedd o brofiad o fewn y diwydiant ac hyd yma mae wedi ymweld a'r Safle 2 waith yn swyddogol. Adroddodd fod eitem o wastraff metel wedi'i anfon o'r Safle i'w ailgylchu ym mis Mai 2009. 'Roedd y gwastraff wedi cychwyn y synhwyrdd ymbelydrol ac 'roedd tim o'r safle wedi mynd i adfer y metel a'i ddychwelyd i'r Safle a'i arwahanu. Mae'r Safle yn cynnal archwiliad mewnol ond bu iddo gadarnhau nad oedd unrhyw effaith ar yr amgylchedd yn dilyn y digwyddiad.
- 9.4 Darparwyd copïau o'r adroddiad yn y cyfarfod ac mae copïau ychwanegol ar gael gan yr Ysgrifenyddiaeth.

10. Adroddiad gan yr ADN

- 10.1 Bu i Glenn Vaughan nodi rhai pwyntiau allweddol yn ei adroddiad ac yr oedd yn falch o gadarnhau fod Safle Trawsfynydd wedi cael blwyddyn llwyddiannus iawn gyda mynegai cost gweithrediad o 1.18 a mynegai rhaglen gweithrediad o 0.99 sydd yn golygu bod gwerth £3m mwy o waith wedi ei wneud nad oedd wedi ei nodi o fewn y cynllun.
- 10.2 Mae ADN yn parhau i drafod y syniad o sefydlu ymddiriedolaeth tir ac eiddo'r ADN yn Nhrawsfynydd gyda'r rhanddeiliaid lleol.

- 10.3 Mae prosiectau 'Symud rhai o Gydrannau'r Prif Gylched' ac 'Adennill Cydrannau Egnioledig Amrywiol' bron a gorffen gyda'r Adennill Cydrannau Egnioledig Amrywiol yn ffrwd gyntaf o Wastraff Lefel Canolradd i'w adennill yn y DU.
- 10.4 Mae Wylfa wedi cael caniatad i barhau i gynhyrchu hyd at 31 Rhagfyr 2010 ac mae cynllun busnes yn cael ei drafod am estyniad pellach.
- 10.5 Mae Bow Bidco Wylfa Ltd wedi ei enwi fel y cynigydd llwyddiannus ar gyfer y tir yn Wylfa.
- 10.6 Mae Safle Trawsfynydd wedi cael £50m o gyllid ar gyfer 2009-2010 ac mae cyllideb yr ADN yn £8.44 biliwn ar gyfer dadgomisiynu niwclear dros 2008-2011.
- 10.7 Ar faterion eraill mae 4 cyfarwyddwr anweithredol newydd wedi eu penodi gan yr ADN ac mae Oldbury wedi cael caniatad i ymestyn eu cyfnod cynhyrchu.
- 10.8 Cyng Beryl W Williams – Pan ddechreuwyd ar y gwaith dadgomisiynu yn Nhrawsfynydd bu i Maentwrog gael ei drosglwyddo i Wylfa – beth fydd yn digwydd i Maentwrog pan fydd Wylfa yn dadgomisiynu.
Mr Glenn Vaughan – Mae'n debygol y bydd ei sefyllfa yn newid ond nid ydym yn gwybod ar hyn o bryd.

11. Unrhyw fater arall

- 11.1 Bu i'r Cadeirydd ymestyn croeso i Ms Deborah Ward o'r Awdurdod Dadgomisiynu Niwclear a bu iddi egluro ei bod yn cymryd lle Mr Richard Flynn a hwn oedd ei chyfarfod cyntaf o GRhS.
- 11.2 Bu i'r Cadeirydd hefyd ymestyn croeso i Mr Dan Gould a bu iddo yntau egluro mai hwn oedd ei gyfarfod cyntaf o GRhS yn Nhrawsfynydd a bu iddo gadarnhau y bydd yn sicrhau bod y GRhS yn cael cyhoeddusrwydd.
- 11.3 Dywedodd Elfyn Llwyd bod y gwaith sydd yn mynd ymlaen ar y Safle wedi creu agraff dda arno, hefyd bu iddo ddiolch am y rhodd o £50,000 tuag at yr Eisteddfod Genedlaethol i'w chynnal yn Bala ym mis Awst 2009.
- 11.4 Cyng Tom G Ellis – Hoffwn gael cadarnhad bod lefel y llyn yn cael ei gadw i fyny ar gyfer yr haf.
Andy McAteer – Nid yw yn bosib i mi roi sicrwydd y bydd ar y lefel y mae heddiw a bydd ar ei lefel isaf mewn 2 wythnos ond gallaf gadarnhau bod Trawsfynydd yn monitro'r llyn yn rheolaidd.
Robin Ward – Gallaf gadarnhau bod y llyn yn cael ei fonitro yn rheolaidd a bydd monitro ychwanegol yn cael ei wneud os bydd angen. Hefyd mae Asiantaeth yr Amgylchedd yn ei fonitro yn annibynol.
- 11.5 Cllr Tom G Ellis – Mae gennyf bryderon fod y Caesium 137 sydd yn y mawn yn cael ei chwythu gan y gwynt.
Robin Ward – mae'r monitro yn sicrhau bod y lefelau o fewn y terfynau ac mae'r lefelau yn is nag yr oeddynt yn y 1980'au.
- 11.6 Cadarnhawyd bod ymweliad wedi ei drefnu i'r Storfa Gwastraff Lefel Ganolradd i gychwyn o'r Ganolfan Gynadleddau a Chynefino am 10 o'r gloch y bore dydd Mercher 10 Mehefin. Bydd dillad diogelwch ar gael ond bydd angen gwybod maint esgidiau pawb. Eglurodd y Cadeirydd ei fod yn holl bwysig bod yr aelodau yn derbyn y gwahoddiad i weld y Storfa fel eu bod yn gweld dros ei hunain bod y gwastraff yn cael ei gadw yn ddiogel, felly byddent mewn sefyllfa i adrodd yn ol i'w mudiadau.

11.7 Cadarnhaodd y Cadeirydd nad oes angen newid cyfansoddiad GRhS Trawsfynydd gan bod y canllawiau cywir wedi eu gosod ers y dechrau.

12. Dyddiad ac amser y cyfarfod nesaf

Y cyfarfod nesaf yw gynnal dydd Llun 7 Rhagfyr 2009 am 11.00 o'r gloch yng Nghanolfan Gynadleddau a Chynefino Safle Trawsfynydd.